

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 16
Agosto 21, 2005
www.philippinerevolution.org


Editorial

Pabakuron ang Partido kag rebolusyonaryong kahublagan sa tunga sang pagpataalsik kay Arroyo

Nagalumoy subong ang rehimeng Arroyo sa isa ka krisis na waay tupong sa kalalaon sa sulod sang apat ka tuig nga pagginahum sini. Daan na nga masingki ang krisis nga nagaputos sa rehimen bangud sa tuman nga kontra-pumuluyo kag antinasyunal nga mga polisiya kag tikang sini. Ugaling dugang pa ini nga nagbaskog sang labi nga mahamulag ang rehimen sa pumuluyo kag ginakangil-aran sang publiko bunga sang pagkabuyagyag sang mga iskandalo bahin sa jueteng kag pagdinaya ni Arroyo sa eleksyon 2004.

Ang malaparan nga disgusto sa rehimeng Arroyo nasaylo sa dugang nga pagbaskog kag pagdamu sang mga pwersang anti-Arroyo kag pagbaskog sang mga litik sa sulod sang nagaharing guban. Nagatuhaw ang nagkalain-lain nga tipo kag pamaagi sang protesta kag nagasulong ang dalagkuan kag mabaskog nga paghulag sa karsada para patalsikon si Arroyo. Nakaangot man diri ang madamu nga kadu-

ngan nga sektoral nga paghimakas pang-ekonomya kag pangpulitika. Madaku-daku nga numero sang mga empleyado sang guberno kag mga suldado kag pulis ang hayagan nga nagapaabot sang ila nagaindakal nga kaakig sa pagbilog sang makagagahum nga bagyo sang protesta nga maka-



Mga tampok sa isyu nga ini...

Ginabastos ang sugilanon pangkalinungan
PAHINA 6


International People's Tribunal
PAHINA 7

Kagulutmon sa Africa
PAHINA 9

papukan sa rehimeng Arroyo.

Lain sa malapad nga kahublagan sang pumuluyo nga nagpatalsik kan-day Marcos sadtong 1986 kag Estrada sadtong 2001, tuman nga mas daku kag mas signipikante nga bahin sang subong nga nagahiliug-yong prenteng anti-Arroyo ang militante, patriyotiko kag demokra-tikong pwersa. Napakita ang mga ini sang kusog kag lapad sang kahublagang anti-Arroyo. Matutom sila nga nagasulong sang mga pinakagilayon nga demanda kag tuman kamalahalon nga kongkretong reporma nga indi san-o man mahatag samtang yara sa poder si Arroyo.

Ginaduso nila ang pagtukod sang isa ka transisyunal nga demokratikong konseho ukon iban pang porma sang gubyerno nga magabulos sa garuk kag papet nga gubyerno ni Arroyo. Ginalauman nga signipikante nga makaupod diri ang mga progresibong partido kag demokratikong organisasyong masa. Pagpadayon ini sang daku nga papel nga ginatungdan nila sa pagpasulong sang interes sang pumuluyo kag sang paghimakas para mapukan ang rehimeng Arroyo. Muklat sila nga ang radikal kag pundamental nga pagbag-o sa sosyedad indi gilayon ma-



...kinahanglan magpatuhaw, maghanas kag magtalana sang mas madamu pa nga kadre para makaptan ang madasig nga nagadaku nga organisasyon kag magtungod sa nagalapad nga nagkalain-lain nga patag sang hilikuton sang Partido...

agum sa pagpatalsik lamang sa rehimeng Arroyo.

Samtang pursigido nga nagahimakas ang pumuluyong Pilipino agud tapuson ang rehimeng Arroyo, ginapamuklat sila sang mga rebolusyonaryong pwersa nga ang mga sandigan nga pagbag-o sa sosyedad maagum lamang paagi sa lubos nga pagmadinalag-on sang bag-ong demokratikong rebolusyon nga mapukan sa bilog nga reaksyunaryo kag papet nga estado kag sistema kag magatukod sang tunay nga rebolusyonaryong gubyerno kag sistema. Sa bilog nga proseso sang away, malahalon nga padayon nga kaptan sang pumuluyo ang armas sang malaparan nga aktibong pagpartisipar kag militanteng paghimakas sa mga pang-ekonomya, pangpulitika kag halambalanon sosyal tubtub sa lubos nga kadalag-an.

Hangkat subong sa mga ligal nga demokratikong pwersa kag bilog

nga pumuluyo kon paano desaysibo nga maipasulong ang ligal kag hayag nga kahublagang masa para patalsikon ang rehimeng Arroyo sa atubang sang labing pagpakatig-a sini nga magkupkop sa poder kag mapadayon ang pagpamatyag kag paghimakas bisan mapukan na ini.

Baraghal nga nagamaniobra ang mga suluguon ni Arroyo sa kongreso para malubong ang proseso sang *impeachment* paagi sa sarisaring mga teknikalidad kag pagpangbara. Ginpareyd pa sang Malakanyang ang balay nga ginatipunan sang mga dokumento kag iban pang ebidensya sang oposisyon bahin sa pagdinaya ni Arroyo sa eleksyon kag iban pa niyang krimen. Ginpahug ukon ginbayaran sang daku nga kantidad para umatras ang pila ka testigos nga nagdalahig sa pamilyang Arroyo sa jueteng kag suhulan sa eleksyon.

Walay untat ang pagmaniobra sang Malakanyang para magamit ang suhestyon nga pagbag-o sa konstitusyon (chacha) agud takpan ang dalagku nga kriminal nga salabton ni Arroyo kag ilihis ang mga paghulag para mapatalsik siya. Padayon nga malisyoso nga nagapaguwang ang mga suluguon ni Arroyo sang ila mga peke nga teyp para pagguwaon nga dinuktor sang mga pangontra niya ang Gloriagate tapes.

Pero ang tanan nga ini epektibong napangin-wala. Labi lamang sini nga ginapakita ang pagpaniplang ni Arroyo. Nagapalala man ini sa pagkahamulag sang rehimen sa pumuluyo kag nagapadalum sang pagkangil-ad sang publiko sa nagharing guban.



Tuig XXXVI No. 16 Agosto 21, 2005

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial

Pabakuron ang Partido kag rebolusyonaryong kahublagan sa tunga sang pagpatalsik kay Arroyo **1**

Malaut nga mga pamaagi **4**

Salsalon nga kamot **5**

Pagbastus sa sugilanon

pangkalinungan **6**

International People's Tribunal **7**

Rebolusyong agraryo sa Cagayan **8**

Kagulutmon sa Africa **9**

Balita **11**

Ang *Ang Bayan* ginabantala duha ka beses kada bulan sang Komite Sentral ng Partido Komunista ng Pilipinas

Dapat lubos nga hingalitan sang rebolusyonaryong kahublagan ang tuman kapaborable subong nga kahimtangan para sa rebolusyon. Mabaskog nga nagasulong ang kahublagan kag nagadabdab ang rebolusyonaryong diwa sang pumuluho kag patibusok naman ang nagaharing rehimen. Pati ang mismo pagpakatig-a ni Arroyo nga magkapoyot sa poder sa pihak sang malaparan nga kaakig kag panawagan para sa iya pagpatalsik nagatuga sang paborableng kahimtangan para sa labing pagpapalapad kag pagpabaskog sang Partido kag rebolusyonaryong kahublagan.

Mas pa mapadasig ang pagsulong sang nagkalain-lain nga patag sang rebolusyonaryong hilikuton, ang pagkadto sa masunod nga subhalintang sang inaway banwa kag ang pag-agum sang lubos nga kadaglagan sang pungsodnon demokratikong rebolusyon.

Sining ulihi nga mga tuig, nagdaku sang mas o menos 20% ang Partido kada tuig. Sa atubang sang subong nga paborableng kondisyon, mapataas pa ang amo nga tantos sang pagdaku. Upod sini, kinahanglan magpatuhaw, maghanas kag magtalana sang mas madamu pa nga kadre para makaptan ang madasig nga nagadaku nga organisasyon kag magtungod sa nagalapad nga nagkalain-lain nga patag sang hilikuton sang Partido, mas epektibo pa nga magadaku, mapabaskog, mapahulag kag makonsolida ang hangaway sang banwa kag rebolusyonaryong kahublagan masa, kag masiguro ang konsolidasyon sang tanan nga yunit kag pwersa sang Partido kag rebolusyonaryong kahublagan

sa gitang ginahatagan tum-ok ang mga hilikuton kag paghimakas pangpulitika.

Padasigon pa kag mangin mas makahason sa pagrekluta sang mga Pulang hangaway halin sa kubay sang mga aktibistang masa sa kaumhan kag kasyudaran, mga organisasyong masa kag aktibong kontak. Maghanas sang mga kadre militar kag mga hangaway.

Siguruhon ang pagtukod sang mga platun bilang sandigang pormasyon kag magpasanyog sa pagdumala sini. Maglunsar sang mas labing madamu pa nga mga taktikal nga opensiba nga madali mapadaug batuk sa mga armadong pwersa sang ginatublag nga rehimen, labi pa nga paluyahon kag demoralisahan ang kaaway, kag mangalap sang mas daku nga numero sang mga armas para sa Bag-ong Hangaway sang Banwa. Luwas sa madamu nga magagmay kag tama-tama kadaku nga mga pagsalakay sa AFP-PNP, siguruhon man ang paglunsar sang dalagku nga bunal sa kaaway.

Pabaskugon ang rebolusyonaryong pag-organisa lunsay sa kaumhan kag kasyudaran. Labi pa nga kinahanglan subong ang pursigidong

pagtinguha sang mga rebolusyonaryong pwersa nga padasigon pa kag pataason ang kamuklatan, pagpahulag kag paghugpong sang malapad nga masa sang pumuluho agud malunsar kag nagapalapad kag nagahagunos ang higante nga pag-alsa sang banwa. Ini ang magapalapit sa pinakamadamu nga numero sang pumuluho sa dalan sang rebolusyonaryong paghimakas.

Padamuon pa kag himuon nga talamdan ang mga kusog-kumpanya nga prenteng gerilya. Madasig nga palaparon ang rebolusyonaryong baseng masa sa kaumhan, pataason ang halintang sang pag-organisa kag tukuron ang mga lokal nga organo sang demokratikong guberno sang pumuluho sa pinakamadamu nga numero sang mga konsolidadong baseng gerilya. Maglunsar sang pangmasang sang malaparan nga agraryong paghimakas kag iban pa nga pangmasang paghimakas. Aktibong ikoordina kag kumbinahon ang mga ini sa pangmasang paghimakas sa kaumhan kag kasyudaran.

Palaparon pa gid ang mga nagahiliugyong prente nga anti-Arroyo halin sa nasyunal tubtub sa lokal nga lebel. Habigon ang mas madamu nga numero sang mga taktikal nga alyado. Palalaon pa ang mga kontraksiyon sa kubay sang mga reaksyunaryong paksyon kag sa sulod sang nagaharing guban.

Magtukod sang mga kaisahan sa mga alyado, lakip ang mga taktikal nga alyado halin sa nagaharing sahi, nga mas makapaayo sa kahimtangan sang rebolusyonaryong kahublagan, maglatag sang paborableng kondisyon para sa paglunsar sang halambalanon pangkalinungan kag magasulong sa interes sang malapad nga masa sang pumuluho sa idalum sang bagong rehimen.



Malaut nga mga pamaagi para makapabilin sa poder

Wala untat ang pagmaniobra sang rehimeng Arroyo sa paggamit sang mga pamaagi sa desperadong tuyo nga makapabilin sa poder.

Pati ang mga ebidensya batuk sa rehimen pwersahan sini nga ginaagaw. Sining Agosto 17, ginpareyd sang Malakanyang sa Intelligence Service of the Armed Forces of the Philippines (ISAFP) kag Philippine National Police ang balay ni Segundo Tabayoyong, isa ka eksperto sa pagtumor sang mga dinuktor nga dokumento pareho sang *electoral returns* ukon upisyal nga mga listahan sang mga boto. Daan siya nga hepe sang iya departamento sa National Bureau of Investigation.


Potensyal nga ebidensya sa korte sang *impeachment* ang resulta sang mga pag-usisa ni Tabayoyong gani ginatinguhaan sang rehimen nga unahan siya diri. Ugaling imbes nga makabentaha ang rehimen, labi na ini nga nagtum-ok sang mabuyagyag sa masmidya ang pagdiskubre sa balay ni Tabayoyong sang 40 karon sang mga dokumento nga nagadetalye sa pandinaya sa eleksyon sang kampo ni Arroyo. Ginakumpirma sang mga nakuha nila nga dokumento ang daan nga ginbuyagyag nanday Sen. Panfilo Lacson, nagkandidato para sa presidente, ang anay Sen. Loren Legarda, nagkandidato para bise presidente, nga nagmanupaktura ang rehimen sang *electoral returns* antes pa man ang eleksyon.

Nagapanago subong si Tabayoyong. Ugaling nagpaabot siya nga handa gihapon siya nga ibulgar

ang iya nadiskubrehan. Sadto naman nga Agosto 12, gintinguhaan ni DENR Secretary Mike Defensor nga magtanum sang duda sa paminsaron sang pumuluyo bahin sa mga teyp. Ginpaanalisa niya sa isa ka Amerikanong eksperto ang mga "Hello Garcia" tapes. Suno sa eksperto, may nakita siya nga mga "anomalya" ugaling wala siya sa kahimtangan nga hambalon "dinuktor" ang mga ini. Gingamit ni Defensor ang pagtuon sang eksperto agud may kredibilidad ang kwestyunableng pagtuon nga ginimo sang isa ka lokal nga "eksperto" nga ginhinikayan ni Defensor. Ginapagguwa ni Defensor nga indi ang mga tinago nga "Yung dagdag! Yung dagdag!" ang aktwal sa ginahambal ni Gloria Arroyo kundi ang wala pulos nga mga tinaga nga "Galban Binalbag."

Ang mga bahin nga ini kalakip sa mga seksyon sang teyp nga ginatum-ukan kay Arroyo sa baraghal nga dinaya sa eleksyon.

Tuman nga napaslawan ang pagtinguha ni Defensor nga gamuhon ang pumuluyo agud pahaganhagan ang kaakig kag paghulag nila batuk kay Arroyo. Mismo ang mga Amerikanong eksperto nga nagbilid sa "Gloria-Garcia tapes" nagbalibad masunod nga adlaw nga may ginsiling siya nga dinuktor ang teyp. Amo man sini ang siling sang tanan nga iban pang lokal na eksperto sa *audio* luwas sa



gin-arkilahan ni Defensor.

Tuyo tani ni Defensor nga magaserbi nga basehan ang iya mga "ginbulgar" para mapatay na sang mga maki-Arroyo nga kongresista ang proseso sang *impeachment* sa lebel pa lang sang kongreso. Labaw nga nahadlok sanday Arroyo sa mas madamu pang testigo nga nakahanda magbuyagyag sang sobra nga mas daku kag mas detalyadong mga kaso sang pagdinaya, pagpangawat kag iban pang nga kriminalidad sang iya pamilya kag rehimen pananglitan mag-abot ang pagbista ang proseso.

Lakip man sa pagmaniobra sang rehimen ang pagpamahug kag pagpanuhol lunsay sa mga nagatuhaw kag magatuhaw pa nga mga testigo sa pagbista sa senado sa kaso nga jueteng. Duha sang nagtestigo ang napaatras ni Arroyo. Duha pa ang napunggan magatubang sa pagbista sa senado. Nagbalik pa halin sa US si Mike Arroyo agud personal na asikasuhon ang panggamu kag pagpanuhol sa mga testigo sa operasyon nga ginatawag "balik-loob." Lakip na sa mga gintinguhaan nga mag-

sundan sa "Malaut...", pahina 5

"Malaut...", halin sa pahina 4

atras ang anay gobernador sang Isabela nga si Faustino Dy Jr. nga nauna nga ginbalita nga makatestigo batuk kay Arroyo lunsay sa kaso sang pagdinayaay kag ju-
eteng.

Padayon man ang pagbuyagyag sang mga testigo sa mga kriminal nga aktibidades sang mga Arroyo. Sadtong Agosto 10, ginbuyagyag ni Capt. Marlon Mendoza, hepe sang seguridad ni Garcillano sadtong panahon, nga personal niyang nasaksihan ang mga ginhimo pagpanuhol para sa kampanya ni Arroyo. Ginkumpirma ni Mendoza ang pila ka bahin sang salaysay ni Michaelangelo Zuce, opereytor kag hinablos ni Garcillano nga nauna na nga nagtuhaw sini man nga Agosto.

Samtang matapos ang pila ka bulan nga pagpa-inosente kaangot sa nahamtangan ni Garcillano, nabuyagyag man ang operasyon sang pagpalagyo sa iya pagguwa sang pungsod sa bulig sang nanarisaring ahensya sang gubyerno. Nagpagguwa na ang kongreso sang mandamyento para sa pag-aresto kay Garcillano sadtong pang Agosto 4, pero ginhulat sang Department of Foreign Affairs nga matapos anay ang mga pagbista sang kongreso bag-o ipaabot ang impormasyon na suno sa gubyerno sang Singapore, naghugpa si Garcillano didto sadtong Hulyo 14 kag nagkadto masunod nga adlaw sa London, United Kingdom.

Ang lima nga komite sang kongreso nga tingub nga nagapangusisa sa bahin sa "Gloria-Garcia tapes" nagahanda sang mga kasong kriminal sa mgaginadudahan responsable sa pagpalagyo ni Garcillano. Pagapasakaan sang kasong sang pagsablag sa hustisya sanday Foreign Affairs Secretary Alberto Romulo, Immigration Commissioner Alipio Fernandez kag ang mga upisyal sang Air Transportation Office bangud sa indi nila pagreport bahin sa mga nakuha nila na impormasyon sa hulag kag ginahamtangan ni Garcillano. Ginausisa man ang pagkadalaghang sang Subic Air sa pagpalagyo ni Garcillano. Gina-
mit ni Garcillano padulong sa Singapore ang isa ka Lear Jet sang Subic Air nga ginatag-iyahan sang mga Alvarez, malapit nga kaalyado ni Arroyo. AB

Kamot nga salsalon

Ginatapalan subong ni Arroyo ang krisis nga dulot sang sobrang pagsaka sang presyo sang mga produktong petrolyo para maggamit ang kamot nga salsalon.

Nagapropener siya sa kongreso nga hatagan siya sang "emergency powers" ukon mga dugang nga gahum para kuno kontrolon ang distribusyon kag konsumo sang langis. Gindeklarar man sang Malakanyang nga halambalanon na sang "pungsodnon nga seguridad" ang kuno indi makontrol nga pagtaas sang presyo sang langis. Mahimo kuno nga hingalitan sang mga "terorista" kag "kriminal." Nagakurog ang tuhod sang rehimen nga ang kapaslawan sini nga kontrolon ang presyo sang langis sa lokal nga merkado magdabuk sang dugang pa nga mga dalagkuan nga protesta. Gilayon ginmanduan ni Arroyo ang mga ahensya pangseguridad kag pulisya nga maghanda kag maghimo sang mga hagna kag tikang para matapna ang mga pamahog sa seguridad.

Wala-tuo nga pagpakamalaut ang nagsug-alaw sa mga suhestyon kag tikang nga ini sang Malakanyang. Ginkundena sang mga progresibong partido kag organisasyon, mga pangontra sa pulitika kag pati sang mga alyado sini ang tikang sang rehimen sang pagkasangkapan sa krisis agud tapnaon kag gamitan sang kamot nga salsalon ang nagalapad nga protesta kag panawagan para sa pagpatalsik kay Arroyo. Gin-ulan man sang pagpakamalaut ang pagtuyo sang dugang nga kagahum sang rehimen para magamit sa pagpalala sang korapsyon kag labing nagapaantos sa pumuluyo. Kadungan sini, aroganteng ginatum-ukan ni Arroyo nga iya padayunon ang pagpatuman sang kontra-pumuluyo nga *expanded value added tax* sa tian nga ideklarar ini nga ligal sang Korte Suprema. Ginapagguwa sang rehimen nga ang dugang nga buhis nga ini yara sa interes sang mga imol. Makapila ka beses na nga ginapaandaman sang mga maki-imperyalistang insititusyon ang rehimen sang Arroyo batuk sa pagatras sang pagpatuman sang mga bag-ong buhis ilabi na diri nangahalin ang pangbayad sa utang sang pungsod. Nagapakitang labing daku nga ipokrasya ang panawagan sang pagkinot samtang labing mapintas kag wala balatyagon sini nga ginapataas pa ang buhis kag sa sini ang presyo sang mga balaklunon kag serbisyo sa atubang sang labing nagalala nga kabudlayan sang pumuluyo.

Bindakup man ni Arroyo ang kahigayunan para manawagan sang paltik nga paghiliusa kag ilayo ang atensyon sang publiko sa tuman kadamu niya nga krimen. Ginapamahug sang iya rehimen kag iya mga tinawo nga yara sa bibi sang daku nga krisis sa enerhiya ang pungsod kag dahil diri nagakadapat nga untatan ang mga atake sa gubyerno. AB

Ginabastos sang rehimen ang sugilanon pangkalinungan

Ang liwat pagbukas sang pormal nga sugilanon pangkalinungan sa tunga sang Gubyerno sang Republika sang Pilipinas (GRP) kag sang National Democratic Front (NDF) sa katapusan nakasalig sa pagpatuman sang rehimenng Arroyo sa mga obligasyon na nasudlan sini sa mga nagtaliwang kasugtanan nga madugay na sini ginatalikdan.

Sa Oslo Agreement sadtong Abril 2004, nagpasugot ang GRP nga maghimo sang mga epektibong tikang agud makuha sa “listahan sang mga terorista” sang US kag suod sining kaalyado, ang Partido Komunista sang Pilipinas, Bag-ong Hangaway sang Banwa kag si Jose Ma. Sison, *chief political consultant* sang NDF, sa sugilanon pangkalinungan. Lakip man sa mga obligasyon sini ang paghilway sa mga bilanggong pulitikal kag pagpatuman sang indemnipikasyon sang mga biktima sang diktaduryang Marcos.

Ugaling wala ginapatuman sang GRP ang mga obligasyon nga ini. Bangud diri, ginadesisyan sang NDF nga suspendihon ang nakatalana nga pagbukas sang pormal nga kasugtanan sadtong Hunyo 2004 agud hatagan sang panahon ang GRP para tindugan ang hinambalan sini. Pagkaligad sang isa ka tuig, padayon ang pagpakatig-a kag pagbalibad nga sundon ang mga obligasyon na nasudlan sini, baliskad sa katuyuan nga isulong ang sugilanon pangkalinungan. Labi pa nga naggamay ang posibilidad nga tumanon ini ni Arroyo sa atubang sang krisis pangpulitika nga nagatay-og sa iya rehimen. Samtang

nagabaskog ang panawagan sang pumuluyong Pilipino para sa pagbiya ni Arroyo ukon pagpatalsik sang iya rehimen, labing nagahugot ang pagbaylo sini sa mga polisiya nga militarista kag maki-imperyaista, garuk kag mapigusan.

Naobligar ang NDF nga ianunsyo sadtong Agosto 2, 2005 ang liwat nga suspensyon sang pormal nga sugilanon sa magtimbang nga bahin agud liwat hatagan sang kahigayunan ang GRP nga sundon ang mga obligasyon sini.

Wala nagsara ang NDF sa padayon nga pagpakigsugilanon sa GRP bisan pa makita sini nga magasulong lamang ang sugilanon pangkalinungan sa pagpungko sang bag-ong rehimen nga mas handa sangsa subong nga rehimen nga nagapatibusok na. Kadungan sini, ginapabilin nga bukas sang NDF ang mga linya sang komunikasyon agud mapadayon ang di-pormal nga pakigsugilanon sa mga tiglawas sang GRP kag ginatinguhaan nga plantsahon ang liwat nga pagbukas sang pormal nga negosasyon.


Pero sa baylo nga gamiton ang

kahigayunan nga ginbukas sang suspensyon sang pormal nga pag-sugilanon, ginabaliskad sang rehimen ang pahayag sang NDF agud pagguwaon nga gintapos na sang NDF ang sugilanon.

Gintapalan ini sang rehimen agud makaisang bahin kag imbalido nga “suspendihon” ang Joint Agreement on Safety and Immunity Guarantees (JASIG) kag pahugon sang pag-aresto ang mga upisyal kag konsultant sang NDF kag iban pa nga imbolbado sa sugilanon pangkalinungan.

Ginapakita sang GRP sa amo nga mga tikang ang kawad-on sini sang interes nga isalbar kag isulong ang sugilanon pangkalinungan. Ginapakita sang rehimenng Arroyo nga ang solo sini nga interes sa panahon nga ini amo ang isalbar ang kaugalingon paagi sa padayon nga pagsandig sa imperyalismong US, paggamit sang militar kag pagpamigos, pagpaniplang kag iban pa nga paagi. Sa amo man, desperado ang rehimen nga magpangita sang ano man nga pangpahamot diri kag malikawan ang ano man nga makapadasig sang pagkapukan sini.

Ginapaandaman sang NDF ang rehimenng Arroyo batuk sa pag-aresto ukon ano man nga plano nga kalakasan sining himuon sini sa mga ginaprotektahan sang JASIG. Ginainsister sang NDF nga nagapabilin nga nagaandar ang JASIG kag indi mahimo nga unilatera nga suspindihon nga indi igaagi sa pormal nga proseso. Ang terminasyon sang JASIG nagabutang sa peligro sa mismo kabuhi sang sugilanon pangkalinungan. **AB**



Ginhusgahan nga nakasala

Ginhusgahan nga nakasala sa malaparan nga paglapas sa tawhanong-kinamatarung si Gloria Arroyo sa internasyunal nga pagbista sang pumuluyo sining Agosto 19. Ginbase sang International People's Tribunal (IPT) ang desisyon sa mga kaso nga ginpasaka kontra sa iya bilang *commander-in-chief* sang Armed Forces of the Philippines kag Philippine National Police.

Hinusgahan man nga nakasala ang pareho niyang akusado nga si US Pres. George Bush bangud sa iya suporta militar sa gubyernong Arroyo kag paggamit niya sa Pilipinas bilang "ikaduha nga patag-awayan" sang iya "gera batuk sa terorismo." Suno sa IPT, nagduso ini sang wala pili nga mga krimen batuk sa sangkatawhan.

Bunga sini, gina-insister sang mga dumuluong nga delegado sa IPT sa internasyunal nga komunidad nga suportahan nila ang pumuluyong Pilipino sa panawagan nila nga magbiya sa poder si Arroyo. Kadungan sini, ginainsister man nila sa mga dumuluong nga gubyerno nga iatras ang pagkilala kay Arroyo bilang presidente sang Pilipinas. Siling nila, nadulaan na siya sang anuman nga kinamatarung kag gahum nga mamuno dahil sa mga akusasyon nga ginpasaka batuk sa iya, lakip ang mga seryosong paglabag sa tawhanong-kinamatarung.

Ang lupon sang mga hukom ginpamunuan ni Lennox Hinds, isa ka Amerikanong propesor sang layi sa Rutgers University. Upod man niya sanday Irene Fernandez sang Malaysia, nga nominado sa Nobel Peace Prize kag ang abugado nga si Hakan Karakus sang Turkey. Nagserbi nga puno sang taga-usisa si United Nations ad litem judge Romeo Capulong.

Ang isa ka adlaw nga bista gintambungan sang may 1,500 nga delegado halin sa 15 pungsod, lakip ang Pilipinas. Ang mga ginabasehan sang desisyon sang IPT naghalin sa imbestigasyon sang International Solidarity Mission (ISM), nga ginlunsar

halin Agosto 14-18 sa mga prubinsya sang Tarlac, Mindoro, Samar, Surigao del Sur kag isla sang Sulu. Ang mga delegado sa ISM naghalin sa Australia, Belgium, The Netherlands, Great Britain, US, New Zealand, Canada, Japan, India, Malaysia, China, Taiwan kag Turkey. Pagamiton man nga basehan ang resulta sang ila imbestigasyon para sa *impeachment* ni Arroyo sa kongreso, suno kay Rep. Satur Ocampo ng Bayan Muna. Ini man ang mangin basehan para padayunon ang naunang nga ginpasaka nga mga kaso batuk sa gubyernong Arroyo sa United Nations Human Rights Commission sa Geneva.

Sa kabilugan, nausisaan sang IPT nga may 4,207 kaso sang mga paglapas sa tawhanong-kinamatarung halin nga nagpungko sa poder si Arroyo

sadtong Enero 2001 tubtub Hunyo 2005. Lakip diri ang mga mga pagsalbeyds, asasinasyon sang mga lider masa, masaker, pagpanortyur, iligal nga pagpang-aresto kag paghunong kag iban pang krimen batuk sa sangkatawhan. May 232,796 indibidwal, 24,299 pamilya kag 237 komunidad ang apektado. May 400 biktima sang pagsalbeyds kag 110 ginkuot kag indi na makit-an (desaparecidos). Baynte ka upisyal kag myembro sang mga organisasyong nagatib-ong sang tawhanong-kinamatarung ang pinatay.

Ginlapas sang mga suldado, pulis kag iban pang armadong pwersa sang rehimeng Arroyo ang Bill of Rights sang 1987 Constitution, International Covenant on Civil and Political Rights, Convention Against Torture, ang Comprehensive Agreement on Respect for Human Rights and International Humanitarian Law nga ginlagdaan sang GRP kag NDFP kag ang kasugtanan pangkalinungan sang GRP-MNLF sadtong 1986. **AB**

Mga lider masa, arbitraryong gindakup

PADAYON ang serye sang pagpamahug kag paglapas sa tawhanong-kinamatarung sang mga demokratikong pwersa sining bulan. Sadtong Agosto 18, iligal nga gindakup kag ginhunong sang mga pulis kag militar si Fernando Baldomero, 56, *provincial coordinator* sang Bayan Muna sa Aklan.

Gin-akusahan siya nga may angot sa Bag-ong Hangaway sang Banwa kag arbitraryong ginkasuhan. Gilayon nga ginkundenar sang mga progresibong partido kag organisasyon ang pagpang-aresto. Siling nila, harshment ini sa mga anay detenido pulitikal.

Ang mga kaso nga ginpasaka kay Baldomero amo man ang ginhimo nga basehan sa iligal nga pag-aresto kaday Romeo Capalla kag Modesto Estupido. Si Capalla, 56, manedyer sang Panay Fair Trade Center (PFTC), isa ka pribadong empresa nga nagabakal sang muscovado kag saging kag nagaeksport sa Europe. Basta na lang siya nga gindakup sang mga operatiba sang Iloilo Police Office kag Army Intelligence Team sadtong Agosto 3 sa isa ka tsekpoynt sa Barangay San Antonio, Oton, Iloilo.

Una pa nga gindakup sang mga militar si Estupido, isa ka lider mangunguma kag kagawad sang Barangay Indaluyon, Igbaras, Iloilo. Nakahunong siya subong sa San Jose, Antique. **AB**

Madinalag-on nga kampanya sang rebolusyong agraryo sa panahon sang kalamidad

Lakip sa mga kadalag-an sang rebolusyong agraryo sa Cagayan Valley ang pagsulong sang mga kampa-nya para mabuhinan ang labaw nga pag-antos sang masa bunga sang sunod-sunod nga mga kalamidad.

Sadtong 2004, pagkatapos magtiphag kag matabunan sang duta ang mga talamnan sa isa ka baseng gerilya, ginkampanya sang rebolusyong asosasyong masa sa duha ka punsok sang mga baryo ang demanda nga panason ang utang sang masa sa sulod sang isa ka ani kon 50% ukon masobra pa ang nasamad nga pananum. (Prinsipal na lang ang igabahiwas bangud daan na nga nalab-ot sang paghimakas ang pagkuha sang interes sa panahon sang kalamidad.) Madasig nga nagplano ang asosasyon sang mga mangunguma sa Kampanya Panas-Utang.

Ginkampanya man sang asosasyon sang mangunguma nga untaton ang bayad sa irigasyon sa isa ka ani, kag plete sa duta sa isa ukon duha ka anihan depende sa kasamaran sa mga pananum kag talamnan. Bisan nakaayo sang mangunguma ang mga talamnan sa bulig man sang mga agsador, nakig-areglo gi-hapon sila sa agalon nga mayduta nga indi anay magbayad sang plete sa sulod sang pila ka anihan.

Sang una wala gin-agi sa negosasyon ang demanda nga panas-utang sa mga lugar kon sa diin 50% ukon masobra pa ang nasamad dulot sang kalamidad. Sa baylo, gindeklarar na lang sang mga mangunguma ang porsyento sang nasamad nila nga produkto. Ang ginpaagi lang sa negosasyon amo ang pagbuhin sa pagabayran nga utang sang mga mangunguma nga mas manubo sa 50% ang nasamad nga ani. Nag-isa

man ang asosasyon nga ang pagabalig-yaan sang mais amo lamang mga negosyante nga makig-areglo sa panas-utang kag taas-presyo.

Ginasaysay sang mga mangunguma ang matarung nga basehan sang panas-utang. Ginapaathag sa mga usurero nga wala na gid sila sang ikasarang nga bayaran pa ang bilog nga prinsipal. Ginainsister nila nga mas maayo nga panason ukon buhinan ang utang kag liwat magpautang sa manubo nga interes para mapadayon ang produksyon sang mga mangunguma kag mabayaran pa ang nagligad nga mga utang. Kon mag-untat sa pagpautang ang mga usurero, siling nila, labing maganubo ang produksyon kag labing madulaan sang basehan para masukot ang tanan ng nagligad nga mga utang.

Nagresulta ang kampanya sa pagtaas sang presyo sang humay sang 50 sentimos kag pagpasugot sang pila ka usurero sa duha ka erya nga kuhaon ang interes. Nakig-areglo ang mga usurero bangud amatamat man nga pagahulugan sang



mga mangunguma ang prinsipal sa mga masunod nga anihan.

Gintilawan na sadto pa nga 2003 kag 2004 nga isulong ang demanda nga panason ang interes sa pautang sa panahon nga indi mag-nubo sa 50% ang nahalitan sa pananum sa panahon sang kalamidad. Ugaling sa pila ka baryo lang ini nagmadinalag-on. Indi lubos ginpatuman sang mga usurero sa iban nga baryo ang nangin kasugtanan.

Subong nga tuig, labi nga igasulong ang kampanya bangud sa malaparan nga kahalitan nga gin-angkon sang mga mangunguma sa mga bagyo, baha kag pag-usmod sang duta, kag dugang pa nga kahalitan dulot sang sumunod nga tag-ilinit.

Ang mga leksyon sa kampanya sa demanda panas-utang sa isa ka pren-

sundan sa "Cagayan...", pahina 9

Panibag-o nga hugnat sang lapnagon nga tag-gutom sa Africa

Paliwat-liwat nga nagakapeligro ang kabuhi sang minilyun-milyong pumuluyo sa Africa bangud sa malapnagon nga gutom nga masami nagahalit sa kontinente.

Nagaabot na sa 33% ukon 300 milyones sang 900 milyones nga populasyon sang Africa ang kulang sa pagkaon kada adlaw. Suno sa United Nations, 25 milyones ang labaw nagakinahanglan sang gilayon nga ayuda. Mga lapsag kag bata ang pangunahong biktima sang tag-gutom. Lakip sa mga pungsod nga labing apektado ang Niger, Mali, Ethiopia, Chad, Sudan, Eritrea, Somalia, Zimbabwe, Burkina Faso kag Mauritania.

Pinakatampok ang Niger sa mga pungsod nga ginhalitan sang masingki nga tag-gutom. Permi nga may daku nga kakulangan sa pagkaon sa Niger sa tunga sang duha ka anihan sa bahin nga ini sang tuig. Amo man sa Mali kag Chad nga pareho sa timog nga disyertong Sahara. Isa ang Niger sa pinakaimol nga pungsod sa bilog nga kontinente. Nagaabot sa abereyds nga 42 anyos lamang ang kabuhi sang mga tawo diri. Sa pila ka bahin sag pungsod, indi na nagaabot sa lima ka tuig ang panuigon sang isa sa kada apat ka bata.

Nagaabot sa apat ka milyon nga pumuluyo ang biktima sang kagulutmon halin sa kabilugan nga 12 milyones nga populasyon sang Niger. Trenta'y tres porsyento (33%) sang mga nakagutman mga bata. Suno sa United Nations, 800,000 sa mga ini amo mga bata nga may edad lima panubo, lakip na ang 150,000 bata nga biktima sang grabeng malnutrisyon.

Sa subong, kinaandan sa Niger ang mga panit kag tul-an na lamang nga lapsag, bata kag kababaihan. Halos wala na sang lalaki nga nakastar sa mga komunidad dahil kadam-an sa ila nagakadto sa iban nga lugar agud mangita sang mapamugnan. Lina-ga nga hi-

lamon na lamang ang ginakaon sang nabilin sa komunidad. Sa mga natukod nga feeding center (sentro sang libreng pagkaon) sang mga organisasyon nga nagabulig sa mga biktima, makaluluoy ang laragway sang mga mata nga nagalantaw sa kawaan kag nakakabit nga *feeding tube* (tubo nga ginapag-agan sang mga malasado nga pagkaon) sa bibig kag ilong. Sa madamu nga lugar, nakahilera ang lulubngan sang mga nauna nga namatay dulot sang gutom.

Imperyalistang polisiya. Baliskad sa gusto pagguwaon sang Nakatundang masmidya, indi ang masingkal nga tag-ilinit kag peste nga apan ang pangunahon nga kabangdanan sang malaparan nga tag-gutom sa Niger. Nagaabot lang sa 11% sad-tong 2004 ang gin-



"Cagayan...", halin sa pahina 8

teng gerilya sa nagligad nga hut-ong ginbalikan. Samtang ginakilala nga madinalag-on sa kabilugan ang nagligad nga kampanya, nakita nga sayup kag "wala" ag "deklarasyon, indi negosasyon." Ginaathag nga dapat mapagdayalogo gihapon sa mga komersyante-usurero agud mabuyok sila nga maghatag sang mas maayo nga polisiya sa pautang. Makuha man ang simpatiya sang malapad nga pumu-

luyo sa kahimtangan sa panahon sang kalamidad. Naipakita ang pagkamatarung sang demanda sa pagpaway sang pagbayad sang utang.

Husto sa kabilugan ang mga panawagan pareho sang pagpanubo sa interes sa pautang sang 50%, pagpapas sa interes sa pautang sa panahon nga 50% ukon masobra pa sang pananum sang masa nga nahalitan sang kalamidad, pagpanubo sa plete sa duta sang agalon nga mayduta

sang 1/4 sang neto, pagpataas sang suhol sang mga mamumugon sa uma kag pagpangapin sa duta nga ginapangabudlayan kag ginapauswag. Ini indi lang bangud sa santu sa mga rebolusyonaryong prinsipyo kundi bangud man sa nakabase ang mga ini sa husto nga paghakos sa sentimiyento sang malapad nga masa. Nagresulta ang mga ini sa militanteng paghulag kag pagmadinalag-on sang masa sa Cagayan Valley. **AB**

nubo sang suplay sang pagkaon da-la sang tag-init kag peste kumparar sa abereyds nga ani sa nagtaliwan nga lima ka tuig. Mas mataas pa ang ani sadtong isa ka tuig sangsa sadtong 200-02, sang wala pa nagaluntad ang krisis nga pareho kasingki sang subong. Ang sakon nga pagpamuyong sang mga imperyalistang gahum sa ekonomya sa Niger kag iban pang pungsod sa Africa ang matuod nga kabangdanan sang labing pag-antos kag nagapadayon nga tag-gutom ditto.

Sang magpaandam ang pila ka internasyunal nga organisasyon sadtong Nobyembre 2004 nahanungod sa naga-umpisa na nga tag-gutom sa Niger, gilayon nga gindumilian sang International Monetary Fund (IMF) kag European Union (EU) ang gubyrno sang Niger nga magpanagtag sang libreng pagkaon sa nagakagutman nga pumuluyo. Suno sa sakon nga IMF kag EU, panubuo sang libreng pagpanagtag sang pagkaon ang presyo sang mga produkto sini sa merkado. Gani imbes nga magagan ang ikaayong lawas kag kabuhi sang pumuluyo, mas ginpili nga proteksyunan ang merkado santo sa interes sang dalagku nga negosyante kag mga ispekulador.

Dugang pa, sining tagsublak (Marso tubtub Mayo), pinilit sang IMF si President Mamadou Tandjang sang Niger nga ipatuman ang *value added tax* (VAT). Lakip sa mga ginigo amo ang mga produktong pagkaon. Ang VAT nga ini dugang nga palas-anon sang pumuluyo ilabi sa nagligad nga lima ka tuig nagtaas na sang 75% ang presyo sang mga pagkaon sa pungsod.

Dugang nga paantos man ini sa mga tribo sa Niger nga ang pangunahon nga pangabuhian amo ang pag-alila sang mga hayop bangud nga nagnubo sang 25% ang ila kita dulot sang VAT nabuhinan sang daku ang pangbakal nila sang pagkaon.

Indi tanan nga lugar sa Niger absoluto nga kulang sa pagkaon. Sa

Kasaysayan sang gutom

1997. Duha ka milyones katawo sa Kenya ang apektado sang masingki nga tag-ilinit. Nagakinahanglan sang ayudang pagkaon ang 150,00 pumuluyo.

1996. Suno sa United Nations, 22 milyones katawo ang nagakagutman sa Africa sa timog sang disyertong Sahara (sub-Saharan Africa).

1994. Pebrero sang mag-abot sa 2.5 milyones katawo sa Sudan ang nagakinahanglan sang ayuda sa pagkaon bangud sa gera sibil. Siyete milyones naman ang nabiktima sang kakulangan sa pagkaon sa Ethiopia kon sa diin ginabanta 5,000-10,000 ang napatay.

1992. Masobra sa dos milyones katawo ang nagakapeligro nga namatay sa gutom sa Somalia.

1988. Sais milyones naman sa Ethiopia ang nagakapeligro nga namatay bangud sa kakulangan sang makakaon.

1984-1985. Halos isa ka milyon ang namatay sa Ethiopia bangud sa lapnagon nga gutom.

kamatuoran, sa madamu nga lugar na nagakagutman ang pumuluyo, may mga katambi nga banwa kong sa diin nakahilera sa balaligyaan ang nanarisaring tipo sang pagkaon. Indi lang ugaling ini mabakal sang ginakapos nga pumuluyo bangud sa tuman kataas sini nga bili.

Nagakatabo indi lamang sa Niger kundi sa bug-os nga Africa ang pagpasilabot sang mga imperyalista sa agrikultura. Ginaduso sang World Bank sa magamay nga pungsod sa Africa ang polisiya sang pribatisasyon sang agrikultura kag pag-untat sang anuman nga subsidyo sang gubyrno sa mga mangu-nguma, anuman kalala ang kakinahanglanon nga direkta nga magbulig diri ang gubyrno para masabat ang gutom. Ginapaturan ang deregulasyon sa sektor sang agrikultura paagi sa pagbungkag sa mga pangpublikong ahen-sya nga nagatalana

sang presyo sang mga produktong agrikultura. Sa baylo ginatugyan na lang sa merkado ang presyo sang mga ini.

Sa Ethiopia sadtong 2003, ginahalitan sang tag-gutom ang pumuluyo matapos piliton sang mga imperyalistang institusyon nga tagahatag sang "ayuda" ang gubyrno diri nga isapribado ang sektor sang agrikultura. Nagresulta ini sa sobrang produksyon nga sobra naman nagpanubo sa kita sang magagmay nga mangunguma. Kon sadto \$10 ang presyo sang 100-kilo nga sako sang mais, nangin \$2 na lamang ini. Indi na matumbasan sang presyo nga ini bisan 50% man lang sang gastos sa produksyon. Bangud diri, ang mga mangu-nguma nagatanom na lamang para sa kinahanglanon sang ila pamilya. Nagsumpit pataas ang presyo sang pagkaon kag madamu ang nagutom kag nagakalamatay.

Sadtong 2002,



Mga pilason nga hangaway sang BHB, ginapamatay sang kaaway

MABASKOG nga ginkundenar sang Bag-ong Hangaway sang Banwa (BHB) ang wala pili nga pagpatay sang mga pulis kag militar sa pilason kag wala ikasarang mag-away nga mga Pulang hangaway sa duha ka separadong engkwentro sa Benguet kag Misamis Occidental.

Suno kay Ka Martin Montana, tagapamaba sang Chadli Molintas Command sang Bag-ong Hangaway sang Banwa-Cordillera, ginpatay sang mga tropa sang Philippine National Police (PNP) sanday Antonio (Ka Leyap) Licawen kag Brando (Ka Tub-on) Banasan sadtong Agosto 17 sa Barangay Sebang, Buguias, Benguet.

Napilasan si Ka Leyap (bali ang iya buku-buko) sang mapaengkentro ang ila yunit sa Baculongan Sur, Buguias sadtong Agosto 14. Sa engkwentro nga ini, namaritir ang duha ka kaupod nga sanday William (Ka Suktan) Gansel kag

Ryan (Ka Rudy) Alladog samtang lima ka hangaway ang nadakup. Nakaatras ang iban nga kaupod, lakip sanday Ka Leyap kag Ka Brando nga nabudlayan na maglakat dahil sa naangkon nga mga pilas. Agud gilayon mapabulong, ginbilin sila sang ila yunit sa isa ka balay sa baryo agud maghulat sang salakyan nga magadala sa ila sa bululngan. Wala sila sang armas kag ikasarang magbatu sang abtan sang mga pwersa sang kaaway sa balay sang isa ka mangunguma sadtong hapon sang Agosto 17.

Kit-anon gid sa mga bangkay sang duha ka hangaway nga nagantos sila sa mabaskog nga pagtor-tyur antes sila dalayon patyon sang mga pasista. Bali ang braso ni Ka Leyap kag may mga tuslok ang iya ilok. Pareho nga tadtad sang mga bala ang ila mga lawas kag halos indi na makilala ang bangkay ni Ka Tub-on. Wala pili man nga ginpau-

lanan sang mga bala sang militar ang mga balay sang mga mangunguma nga wala pagkunsiderar sa kabuhi sang mga sibilyan.

Samtang, mabaskog nga kinas-tigo ni Ka Adan Sindapan, tagapamaba sang NDF-Western Mindanao, ang pagpatay sang mga tropa sang First Infantry Division sang Philippine Army sa hangaway nga wala ikasarang magbatu (*hors de combat*). Ginluthang sang mga tropa sang 1st ID si Flacion (Ka Jovan) Sarangena matapos siya mapilasan kag madakup sa isa ka engkwentro sa Barangay Prensa, Tangub, Misamis Occidental sadtong Agosto 8. Lima pa ka hangaway ang nadakup sa nasam-bit nga inaway kag nakahunong subong sa Zamboanga del Sur. Hugot nga gina-bawal sang mga internasyunal nga pagsulundan sang gera ang pagpatay sa mga *hors de combat*. AB

natabo man ang malapnagon nga tag-gutom sa Malawi. Sa dikta sang World Bank kag IMF, duha ka tuig nga ginabuhinan sang gubyrno sang Malawi ang subsidyo nga binhi kag pestisidyo sa mga mangunguma. Ginapabuhinan sang World Bank kag IMF kag papel sang gubyrno sa agrikultura agud hatagan-dalan ang pribadong sektor. Ang mais nga pangunahong pagkaon sa Malawi nagakinahanglan sang pestisidyo bangud sa klase sang duta sa pungsod. Kag kadungan pa ang tag-ilinit, labaw nga nakaapekto ang pagpasilabot sang duha ka internasyunal nga institusyon sa pumuluyong Malawian.

Minilyun-milyong biktima. Luwas sa apat ka milyones sa Niger, minilyun-milyon pa ang nagakinahanglan sang gilayon nga bulig sa

Africa.

Sa Ethiopia, apat ka milyones pa ang nagakagutman nga pumuluyo ang nadugang sa limang milyones nga pumuluyo nga daan na nga nagakagutman kag nagasalig lamang sa ayudang pagkaon kag sa mga programang magtrabaho-para-sa-pagkaon ukon kwarta (*work-for-food or cash*).

Sa Mali subong, labi na sa nakatundang bahin, 1.5 milyon katawo ang nagaantos sang malala nga krisis sa pagkaon. Suno sa isa ka sarbey, nagaabot sa 16% sang pumuluyo sa mga rehiyong Gao kag Kidal sa Mali ang biktima sang grabe nga malnutrisyon.

Sa Kenya, pila ka tuig na nga nagakabuhi sa ayudang pagkaon ang 1.5 milyon nga pumuluyo kag pada-ayon gihapon ang sitwasyon tubtub

subong.

Sa Mauritania, nagaabot sa 800,000 katawo ukon masobra 25% sang populasyon ang nagakinahanglan sang ayudang pagkaon.

Sa Burkina Faso, masobra 500,000 pumuluyo ang nagakagutman bangud indi nila masaranggan baklon ang pagkaon nga tuman kattaas ang presyo.

Sa Sudan, pinakadelikado nga mabiktima sang kagulutmon ang Darfur sa katimugan nga bahin sang pungsod nga subong man ginahalitan sang gera sibil nga tuga man sang mga imperyalistang nagahandum nga makontrol ang madamu nga deposito sang langis didto. Ang pumuluyo nga sadto nagbakwit kag nagbalalik subong ang nabudlayan makabangon liwat sang ila pangabuhian. AB

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 16
Agosto 21, 2005
www.philippinerevolution.org


Editorial

Pabakuron ang Partido kag rebolusyonaryong kahublagan sa tunga sang pagpataalsik kay Arroyo

Nagalumoy subong ang rehimeng Arroyo sa isa ka krisis na waay tupong sa kalalaon sa sulod sang apat ka tuig nga pagginahum sini. Daan na nga masingki ang krisis nga nagaputos sa rehimen bangud sa tuman nga kontra-pumuluyo kag antinasyunal nga mga polisiya kag tikang sini. Ugaling dugang pa ini nga nagbaskog sang labi nga mahamulag ang rehimen sa pumuluyo kag ginakangil-aran sang publiko bunga sang pagkabuyagyag sang mga iskandalo bahin sa jueteng kag pagdinaya ni Arroyo sa eleksyon 2004.

Ang malaparan nga disgusto sa rehimeng Arroyo nasaylo sa dugang nga pagbaskog kag pagdamu sang mga pwersang anti-Arroyo kag pagbaskog sang mga litik sa sulod sang nagaharing guban. Nagatuhaw ang nagkalain-lain nga tipo kag pamaagi sang protesta kag nagasulong ang dalagkuan kag mabaskog nga paghulag sa karsada para pataalsikon si Arroyo. Nakaangot man diri ang madamu nga kadu-

ngan nga sektoral nga paghimakas pang-ekonomya kag pangpulitika. Madaku-daku nga numero sang mga empleyado sang guberno kag mga suldado kag pulis ang hayagan nga nagapaabot sang ila nagaindakal nga kaakig sa pagbilog sang makagagahum nga bagyo sang protesta nga mag-



Mga tampok sa isyu nga ini...

Ginabastos ang sugilanon pangkalinungan
PAHINA 6

International People's Tribunal
PAHINA 7

Kagulutmon sa Africa
PAHINA 9

Mga instruksyon sa pag-imprenta

1. Ang pahina 13, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.
2. Pag-imprenta sa istensil:
 - a) Sa *print dialog*, i-check ang **Print as image**
 - b) Kuhaon ang *check* sa **Shrink oversized pages to paper size**
 - k) I-click ang **Properties**
 - d) I-click ang **Advanced**
 - e) Siguruhon naka-set sa 100% ang **Scaling**
 - g) Padayunon ang *pag-print*
3. Ginabuyok ang mga kaupod nga ipaabot sa patnugutan sang *AB* ang anuman nga problema kaangot sa pag-imprenta paagi sang *v-type*. Magpadala sang *e-mail* sa *ang-bayan@yahoo.com*.